

堯山堂外紀

堯山堂外紀卷五十

晉陵蔣仲舒編

宋

神宗項

年十三居濮邸一日晝憇便寢有紫氣自鼻中出盤旋如香篆時以爲瑞

神宗天性儉約奉慈壽宮尤盡孝道慈聖太后嘗

以乘輿服物未備因同天節作珠子鞍轡爲壽

神宗一御於禁中後歲去不復用一日與兩宮

幸後苑賞花慈壽輦至神宗卽降步親扶慈聖

出輦屢却不從聞者太息慈聖止僊李奉世時
爲侍郎進挽詩有云珠薨薨御恩猶在玉輦親
扶事已非蓋記此二事神宗覽之泣下

王安石

字介甫晚居金陵鍾山謝公墩距城適相半因號半山公押石字初橫一

畫左引脚中爲一團公性急作團多不圓往往窩匾而橫畫又多帶過嘗有客談公押反字者公知之加意作團嘗獨處論量天下人才首屈指於其子雱曰犬哥是一箇醉荆國公追封舒王或謂當時公論分明以荆舒是懲目之京下輦當國情然不知也

嘉祐中後苑賞花釣魚時王介甫以知制誥預末
坐帝出詩示羣臣次第屬和傳至介甫日將夕
矣亟欲奏御得披香殿字未有對時鄭毅夫解
接席顧介甫曰宜對太液池介甫遂成詩云陰
幄晴雲拂曉開傳呼仙仗九天來披香殿上留
朱輦太液池邊送玉杯宿蘂暖含春浩蕩戲鱗
清映日徘徊宸章獨與春爭麗恩許賡歌豈易
陪翌日都下盛傳王舍人竊柳耆卿詞太液波

翻披香簾捲之語介甫頗啣之

王介甫初拜相日取筆題窓云霜松雪竹鍾山寺
投老歸歟寄此生投筆而起人莫測其意後致
仕居金陵白下門外遊鍾山憇法雲寺是日正
當霜雪虛窻松竹皆如詩中之景公撫然久之
荆公作相日苑中有石榴一叢枝葉甚茂止發一
花題詩云濃綠萬枝紅一點動人春色不須多
王荆公作相日當生朝光祿卿輩申以大籠貯雀

諸客次掇笏開籠且祝曰願相公一百二十歲
時有邊寨之主妻病而虞侯割股以獻者時人
爲之語曰虞侯爲縣君割股大卿與丞相放生
荆公在歐公坐分韻送裴如晦知吳江以黯然消
魂惟別而已八字分韻時客與公八人荆公平
甫老蘇梅聖俞蘇子美姚子張焦伯強也時老
蘇得而字押韻云談詩究乎而荆公乃又作而
字二詩有云采鯨抗波濤風作鱗之而益用周

禮考工記之而頌也又云春風垂虹亭一杯湖
上持傲兀何賓客兩忘我與而最爲工

荆公題殘菊詩黃昏風雨打園林殘菊飄零滿地
金歐陽公見之戲曰秋花不比春花落憑仗詩
人仔細看荆公聞而笑曰歐九不學之過也不
見楚詞云夕餐秋菊之落英乎

舒王在鍾山有道士來謁因與基輒作數語曰彼
亦不敢先此亦不敢先惟其不敢先是以無所

爭惟其無所爭故能入不生不死舒王笑曰此
特碁隱語也

王荊公棋品不甚高每與人對局未嘗致思隨手
疾應覺其勢將敗便歛之謂人曰本圖適性忘
慮反苦思勞神不如且已因賦詩云莫將戲事
擾真情且可隨緣道我贏戰罷兩奩分黑白一
枰何處有虧成

蘇子瞻過金陵王介甫招游蔣山坐方丈飲茶公

指案上大研曰可集古詩聯句賦此子瞻應聲
曰軾僭先道一句巧匠斲山骨公沉思良久起
曰且起晴色窮攬蔣山之勝此非所急也田承
君與一二客從後觀之田曰荆公尋常好以此
困人門下士往往受困今日反爲蘇公所困矣
蘇子瞻渡江至儀真和介甫遊蔣山詩介甫指峯
多巧障日江遠欲浮天撫几嘆曰老夫一生作
詩無此兩句

蘇長公奉祠西太乙見王介甫舊題六言詩曰楊
柳鳴蜩綠暗。荷花落日紅酣。三十六陂春水。白
頭想見江南。注目久之曰此老野狐精也。

荆公薦進一二寒士位侍從初無意於大用也公
去位後遂叅政公作小詩寄意云本種酴醾架
金沙只謾栽。自矜顏色好。飛度蠟前開。

謝安墩在半山招寧寺後安與王羲之嘗登此介
甫居金陵作絕句云我名公字偶相同。我屋公

東山集卷五十一
五
墩在眼中。公去我來。墩屬我。不應墩姓尚隨公。
或謂荆公好與人爭。在朝則與諸公爭。新法在野則與謝公爭。墩亦善諛也。

荆公舉一酒令云。有客姓任。名稔。販金。販錦。關吏止之曰。任稔。任入金錦。禁急。又字謎云。目字加兩點。不得作貝字。精貝字。欠兩點。不得作目字。猜賀資二字也。又四箇口盡皆方。加十字在中。央不得作田字。道不得作器字。商圖字也。

呂惠卿嘗語王荆公曰。公面有點。用園菱洗之。當

去荆公曰吾面黑耳非黥也呂曰園葵亦能去
黑公笑曰天生黑於予園葵其如予何

王元澤

雋

數歲時客有以一獐一鹿同籠以獻問

元澤何者是獐何者爲鹿元澤實未識良久對
曰獐邊者是鹿鹿邊者是獐客大奇之

或議王元澤不能作小辭元澤援筆作倦尋芳一
首自此絕不作其詞云露晞向曉簾幙風輕小
院閑晝翠逕鶯來驚下亂紅鋪繡倚危樓登高

謝海棠。看雨胭脂透。算韶華。又因循過了。清明時候。倦遊燕。風光滿目。好景良辰。誰共攜手。恨被榆錢買斷。兩眉長闕。憶得高陽人散後。落花流水。仍依舊。這情懷。對東風。盡成消瘦。

王元澤又有春景眼兒媚詞曰。楊柳絲絲弄輕柔。煙縷織成愁。海棠未雨。梨花先雪。一半春休。而今往事難重省。歸夢遶秦樓。相思只在。丁香枝上。豆蔻梢頭。

荆公及雱同修經義經成加荆公左僕射雱龍圖

閣直學士同日受命元絳賀詩曰陳前與服同

桓伯拜後金珠有魯公

荆公經義行舉子專誦王氏章句而不解義嘗

曰本欲變學究爲秀才不謂變秀才爲學究也

王元澤有心疾與妻未嘗接荆公憐而嫁之同時

有工部員外郎侯叔獻再娶而悍後叔獻卒朝

廷慮其虐前妻之子有旨出之不得爲侯氏妻

京師語曰王太祝生前嫁婦侯兵部歿後休妻

程師孟嘗請於王介甫曰公文章命世師孟多幸
與公同時願得公爲墓誌庶傳不朽介甫問先
正何官師孟曰非也師孟恐不得常侍左右欲
豫求墓誌俟歿而刻之耳介甫雖笑而不許而
心憐之及王雱歿有習學檢正張安國披髮藉
草哭於柩前曰公不幸未有子今郡君妊娠安
國願歿托生爲公嗣京師語曰程師孟生求速
歿張安國歿願托生

物元澤病亟介甫命道士
作醮大陳楮泉平甫啓曰

雲雖疾丘之禱久矣爲此奚益且兄常以倉法
繩吏姦今乃以措泉徵福安知三清門下不行
倉法

耶

舒王女吳安持之妻蓬萊縣君工詩多佳句有詩
寄舒王曰西風吹入小牕紗秋氣應憐我憶家
極目江山千里恨依然和泪看黃花舒王以楞
嚴經新釋付之并和其詩曰青燈一點映牕紗
好讀楞嚴莫憶家能了諸緣如夢幻世間應有
妙蓮花

舒王夫人吳好潔舒王性任率每不相
合自江寧乞歸私第有官藤床吳假用

還羣吏來索左右莫敢言王一日跳登床偃卧良久吳望見卽命送還

王安國

字平父荆公第也體幹魁碩爲翰林學士日盛夏入館下馬流汗浹衣劉

貢父曰君真所謂汗林學士也

王介甫初叅大政一日因閱晏元獻小詞笑曰爲宰相而作艷詞可乎平甫曰亦偶然耳顧其事業亦不止此時呂惠卿在坐遽曰爲政必先放鄭聲况自爲之乎平甫正色曰放鄭聲不若遠佞人呂大慚

一說介甫與呂惠卿論新法平父吹笛于內公諭之曰請學士放鄭

韓平父師應曰穎桓公
遠使八惠卿深衛之

常待制秩居汝陰有盛名於嘉祐治平之間屢召
不至歐陽公亦推禮之其詩所謂笑殺穎川常
處士十年騎馬聽朝鷄者是也熙寧初荆公當
國力致之遂起判國子監太常禮院聲譽稍減
於前嘗一日大雪趨朝時秩已衰寒甚不可忍
喟然若有所恨者乃舉文忠詩自戲曰凍殺穎
川常處士也來騎馬聽朝鷄秩舊治春秋著講

解數十卷自謂聖人之意盡在是矣介甫不好
春秋秩遂盡諱其所學熙寧六年兩河荒歉詔
令所在青苗本錢權行倚閣王平甫戲秩曰公
之春秋亦權倚閣乎

陳繹爲舉子通率少檢後舉制科驟爲質朴時號
黻熟顏回時孔文仲舉制對策言天下有可歎
息慟哭者旣而被斥繹時爲翰林學士曰文仲
狂躁真杜園賈誼也王平甫笑曰杜園賈誼正

好對藝熟顏回

唐詩曰二十四考中書令謂汾陽王也而無其對

或以問平甫平甫應聲曰萬八千戶冠軍侯

謂霍

去病

蘇東坡嘗云爲我周旋寧作我真一好句只是難

對時王平甫在坐應聲云只消道因郎憔悴却

羞郎

王平甫熙寧中直宿崇文館夢有人挾至海上見

海中央宮殿甚盛其中作樂笙簫鼓吹之伎甚衆榜其宮曰靈芝宮平甫欲與俱往有人在宮側謂曰時未至且令去他日當迎之至此恍然夢覺時禁中已鳴鐘矣平甫爲詩記之曰萬頃波濤木葉飛笙歌宮殿號靈芝揮毫不似人間世長樂鐘聲夢覺時後四年平甫卒其家卜之曰君嘗夢往靈芝宮果然乎卜曰然又三年曾早夢與平甫會傍一人曰平甫已列仙官矣

王欽臣

字仲至

王欽臣自西京一縣令召入議法與荆公不合令
學士院試賦一篇但賜出身卻歸本任時荆公
爲考官於簾下見其試畢就壁問題字使人錄
之乃二詩也其一云蜀國相如最有詞武皇深
恨不同時凌雲賦罷還無用寂寞文園意可知
其二云古木陰森白玉堂老年來此試文章日
斜奏罷長楊賦閑拂塵埃看畫墻荆公爲改奏

罷長楊賦作奏賦長楊罷在金陵好事者求公書多寫此詩

曾公亮

字明仲初疾韓琦乃薦王安石以問之及同輔政一切陰助所為謂人曰

上與介甫如一人此乃天也然安石猶以公亮不盡阿附已聽其罷相

曾公亮自嘉祐秉政至熙寧中尚在中書年雖高而精力不衰故臺諫無非之者唯李復圭以為不可作詩曰老鳳池邊蹲不去飢鳥臺上噤無聲未幾曾公遂致仕去

唐人謂中書舍人為小鳳翰林學士為大鳳丞

相爲老鳳蓋以中書省有鳳池也又謂儀部之
長曰大儀員外曰中儀主事曰小儀宋人猶襲
其稱

呂惠卿

字吉甫王安石罷相退處金陵於鍾
山書院往往寫福幾子三字蓋深悔

爲惠卿

誤也

元祐間王景亮與仕族無名子結爲一社紀事朝
誚士大夫無間賢愚一經諸人之目卽被不雅
之名號曰猪背關呂惠卿察訪京東呂質清瘦
語話之際喜以雙手指畫社人呼之曰說法馬

留又湊爲七字曰說法馬留爲察訪社中彌歲
不能對一日邵箎因上殿氣泄出知東平邵高
鼻捲髯社人名爲湊氣獅子仍對曰湊氣獅子
作知州惠卿街之諷部使者發以他事舉社遂

爲齏粉

馬留蓋優人
呼沐猴之名

盧秉

元豐初提點
兩浙刑獄

盧秉嘗爲江南郡掾於傳舍中題詩云青衫白髮
病叅軍旋糶糴梁置酒罇但得有錢留客醉也

勝騎馬傍人門王荊公見而稱之力薦于朝不
數年登貳卿

劉景文

字季孫在忻州數日率一謁晉文公祠既至祠下必與神偶語久之乃出

文公亦時時來謁景文開閣若與客語者則神之至也

劉季孫初以左班殿直監饒州酒王荊公爲江東
提刑巡歷至饒按酒務始至廳事見屏間有題
小詩曰呢喃燕子語梁間底事來驚夢裏閑說
與傍人應不解杖藜携酒看芝山大稱賞之問

專知官誰所作以季孫言即召與之語嘉歎升車而去不復問務事既至傳舍適郡學生持狀立庭下請差官攝州學事公判監酒毀直一郡大驚遂知名云

王荊公嘗舉書句語劉季孫曰念茲在茲釋茲在茲名言茲在茲季孫應聲曰揭諦揭諦波羅揭諦波羅僧揭諦安石大笑

劉季孫送孔宗翰知揚州詩有云詩書魯國真男

子歌吹揚州作貴人多稱其精當後爲杭州鈐
轄蘇子瞻作守深知之嘗以詩寄子瞻云四海
共知霜滿鬢重陽曾插菊花無子瞻大喜

楊德建

號湖陰
先生

楊湖陰居金陵丹陽陳輔每清明過金陵上塚畢
卽過湖陰之居清談終日率以爲常元豐間頗
歲訪之不遇乃題一絕於門云北山松粉未飄
花白下風輕日脚斜身是舊時王謝燕一年一

度到君家湖陰歸見其詩吟賞久之曾稱於荆
公公笑曰此正戲君爲尋常百姓耳湖陰亦大
笑

郭祥正

字功甫母夢李白而生少有詩名梅堯臣一見歎曰真太白後身也舉進

士歷知端州棄去隱于青山自號謝公山人所居有醉吟菴

郭功甫與荆公坐有一人展刺云詩人龍太初功
甫曰相公前敢稱詩人不識去就如此荆公曰
但請來相見旣坐功甫曰賢道能作詩只從相

公請箇詩題是時方有老兵以沙捺銅器刻公
一卽曰可作沙詩太初不移刻間誦曰茫茫黃出
塞渺渺白鏐河鳥遺跡平策潮回日射星功甫
遂閣筆曰以知名東南祥正嘗出詩一軸示東坡先自吟誦曰此詩幾分坡曰十分祥正驚喜問之坡曰七分來是讀三分來是詩豈不是十分祥正一日夢中作遊采石詩明日書以示人曰予決非久于世者人問其故祥正曰予近詩有欲尋鐵索排橋處只有楊花慘客愁之句非予平日所能到忽得之不祥不踰月果歿李端叔聞而笑曰不知杜少陵如何活得許久

王達

王達工詩熙寧初韓忠獻出知大名府達因歲節
以詩干酒曰故吏寂寥新歲近願分餘瀝漲蛟
盤公以百壺荅之

時有胡恢者夫官獻公詩曰
建鄴關山千里遠長安風雪

一家寒公憐之令
築石經得復官

苗根以列卿知明州歸多置田產又自明州取材
爲堂舟載歸時王達作詩嘲曰田從汶上天生
出堂自明州地架來此句傳至京師王荊公大

怒卽出御史王子韶庶其事自後以謠言起獄
實自達始

王介

字中甫
衡州人

王介善譏諷嘗舉制科不中與王荊公遊甚款曲
然未嘗降意少相下熙寧初荊公以翰林學士
被召前此屢召不起至是始受命介以詩寄云
草廬三顧動幽蟄蕙帳一空生曉寒用蕙帳事
蓋有所諷荊公得之大笑他日作詩有丈夫出

處非無意猿鶴從來自不知之句蓋爲介發

王介性輕率語言無論時人以其爲心風熙寧中自
省判出守湖州荆公作詩送之云吳興太守美
如何柳惲詩才未足多遥想郡人迎下檐白蘋
洲上起滄波其意以水值風卽起波也介諭其
意遂和十篇盛氣而誦於荆公其一曰吳興太
守美如何太守從來惡祝鮀生若不爲上柱國
歿時猶合代閻羅荆公笑曰閻羅見闕速請上

任

吳興有白蘋洲柳惲於此賦詩云汀洲採白蘋洲因以此名

王荊公曾題江寧道中驛舍一聯云茅屋滄洲一
酒旗午煙孤起隔林炊王介見而鄙之書其末
云金陵村裏王夫子可是能吟富貴詩荊公見
之亦不屑意乃續之云江晴日暖蘆花起恰似
春風柳絮時末句又譏介之輕狂也

蔡肇

字天啓丹陽人嘗從王介甫游一日語及蘆全月餘詩辭語奇峻介甫曰人少

有誦得者天啓立誦之不遺一字一日又與介甫同泛舟適見羣鳧數百掠舟而過

介甫戲曰子能數之乎天啓一閱卽得其數因遣人詢之放蓄者其數不差

王荆公作集句得江州司馬青衫濕之句欲以全句作對久而未得一日問蔡天啓天啓應聲曰何不對梨園弟子白髮新公大喜

蔡天啓召試中書舍人故事宰相未上馬前限三篇成天啓揮毫立就擬授節度使制云鳴戲千里謬之毫釐朕不從中御也萬世垂之竹帛卿其以身任之張天覺讀之擊節稱美

蔡天啓爲博士三年不遷再至學省賦詩云平生
擾擾復膠膠學省重來歲又交騎馬醉遭官長
罵讀書慚被學生嘲何爲眷戀米五斗便可經
營宅一茅好買江干千个竹待看煙雨長春稍
王荆公在鍾山有馬甚惡蹄齧不可近一日兩校
牽至庭下告公請鬻之蔡天啓時在坐曰世安
有不可調之馬第久不騎驕耳卽起捉其駿一
躍而上不用銜勒馳數十里而還荆公大壯之

卽作集句詩贈天啓所謂蔡子勇成癖能騎生
馬駒者後又有身着青山騎惡馬日行三百尚
嫌遲心源落落堪爲將却是君王未備知士大
夫盛傳荆公以將帥之材許天啓紹聖初章申
公當國首欲進天啓侍從會執政有不悅者乃
出爲永興軍路提舉常平因欲稍遷爲帥會丁
內艱不果猶是用荆公遺意也

蔡天啓後守睦州到任謝表有曰城譙闐寂一葉

落而知秋。島嶼縈迴。二水合而成字。復有詩曰
疊嶂巧分丁字。水臘梅遲見二年。花入謂能狀
桐廬郡景物。

蔡天任載天啓第也。亦一詩無錫錢仲仲紳退居
涖塘有園亭之勝。一時知名士大夫皆爲之賦。
詩天任賦遠雲亭曰。白雲何時來。英英冠山椒。
西風莫吹去。使我心搖搖。賦通惠泉曰。水行天
地間。萬派同一指。胡爲穿石來。要洗巢由耳。賦

芳美亭曰。高人不惜地。自種無邊春。莫隨流水去。却汗世間塵。賦遂初亭曰。着亭傍林泉。偶與初心期。佳處時自領。未應魚鳥知。諸公服其韻。勝

堯山堂外紀卷五十一

晉陵蔣仲舒編

宋

王珪

字禹玉封岐公監維陽郡日王安石為

幕官陳升之為衛尉丞時韓魏公出守

是邦初夏園內芍藥開有金腰帶四朶公


召四人同賞各簪一朶後相繼為相果花

尚也晚築室南溪號志堂居士左右松竹

逍遙其下一時名流雅慕之題曰竹隱

王岐公與歐陽公同在翰苑會溫成皇后初薨立

春進帖子以其虛閣故不進俄有旨令進岐公



遠口占一首云昔聞海上有仙山煙鎖樓臺日
月開花下玉容長不老只應春色勝人間歐公
嘆其美麗

王岐公在翰苑日時中秋有月神宗問當直學士
是誰左右以姓名對遂召公賜坐上引謝朓賦
李白詩美其才又出御製詩示公公起謝勅內
侍挾持不令下拜夜漏下三鼓上悅甚令宮嬪
各取領巾裙帶或團扇手帕求詩悉以進呈上

云須與學士潤筆遂各取頭上珠花一朶裝公
幘頭簪不盡者置公袖中旋取針線縫連袖口
宴罷月將西沉上命轂金蓮燭扶掖歸院翌日
都下盛傳天子請客明年中秋公已叅政蔡確
為學士上講故事命宮嬪求詩蔡奏云不敢遂
命出公舊作蔡云臣才思短澁不及三某酒再
行而止左右不悅云學士村

宋制太社二祭多差近臣王禹玉為翰林學士典

內外制十八年屢被差乃題詩於齋宮云隣鷄
未唱曉驂催又向靈壇飲福杯自笑治聲知不
足明年強健更重來帝聞而憐之遂拜叅知政
事

王禹玉與荆公同侍朝荆公有虱直緣其鬚裕陵
顧而笑公不自知也朝退問禹玉曰上何為笑
禹玉告之故公命從者去之禹玉曰未可輕去
當獻一言頌虱之功乃云屢遊相鬚曾經御覽

荊公為之解頤

王丞相嗜諧謔一日論沙門因曰投老欲依僧容
遽對曰急則抱佛脚王曰投老欲依僧是古詩
一句客亦曰急則抱佛脚是俗語全語上云投
下云脚豈不對也王大笑

王丞相云馬子山騎山子馬

馬給事字子山穆王八駿有山子馬之名

久之人對曰錢衡水盜水衡錢錢某為衡水令
人謝之曰正欲作對爾寔非有盜也

元豐中神宗以元夕御樓宰臣親王觀燈有御製
令從臣和進王禹玉為左相蔡持正為右相蔡
密叩王云應製上元詩如何使事禹玉曰只是
鰲山鳳輦章子厚時為黃門侍郎以為陳腐且
疑為所給十七日登對裕陵獨賞禹玉詩云妙
於使事詩云雪消華月滿仙臺萬燭當樓寶扇
開雙鳳云中扶輦下六鰲海上駕山來鎬京春
酒沾周燕汾水秋風陋漢才一曲昇平人共樂

君王又進紫霞盃時高麗賀正旦禮物中有紫霞杯五色玻璃也是夕上用進酒子厚始歎服以為不可及

王岐公詩喜用金玉珠翠等字世謂至寶丹其子明之在姑蘇有所愛比至京師公強留之逾時詩云黃金零落大刀頭玉筋歸期畫到秋紅錦寄魚風逆浪玉簫吹鳳月當樓伯勞知我經春別香蠟窺人徹夜愁好去渡江千里夢滿天梅

雨是蘇州句意甚工而富艷奇巧得公家法

云詩能窮人且試強作此富貴語看如何其人教日搜索云止得一聯云脰腕化為紅玳瑁眼睛

變作碧琉璃

聞者絕倒

王豐父少年詞賦登科文章世其家作拄杖詩云
老境得為丘壑伴醉鄉還勝子孫扶其風味雍
容如此

黃嗣徽少年時讀書有俊聲不幸為後母訐於官
隸軍籍王岐公丞相宣籍得之聞其識字使抄

書一日觀宋復古郎中所畫山水使子弟賦詩
嗣徽亦請賦公領之頃刻成一絕句曰匣有瑤
琴篋有書樓逼簾未卜吾廬主人况是丹青手
乞取生涯似畫圖岐公大嗟賞之及問知曲折
以故人子奏於朝乞以門客恩澤承務郎特補
之命下之日暴卒

王禹玉丞相既亡有無名子作詩嘲之云太師因
被子孫煎身後無名只有錢喏喏佞翻王介甫

奇奇歆殺宋昭宣嘗言井口難為戲獨坐中書
不許年東府自來無土地便應正授不須權其
家經府指言張山人作府中追張山人至張曰
某自來多作十六十七字詩着題詩某吟不得
府尹笑而遣之

王琪

字君玉珪從兄常乞夢於后土祠夜得
報云君年二十七官至四品時年正二

十七大惡之過歲乃稍自安後以禮部侍
郎樞密直學士致仕未改官制時正四品

年七十
二云

王君玉初登第調揚州江都尉題九曲池詩云越
調隋家曲當年亦九成哀音已亡國廢沼尚留
名。儀鳳終沉影鳴蛙祇沸聲淒涼不可問落日
背蕪城。晏元獻赴杭州道過維揚憇大明寺瞑
目徐行使侍吏誦壁間詩板戒其勿言爵里姓
名終篇者無幾別誦此詩徐問之知為琪作賞
歎不已薦琪館職

王琪張亢同在晏元獻幕張肥大王以太牢目之

王瘦小張以獬猴目之一日有米綱至八百里
村水淺當剝載張往督王曰所謂八百里剝也
張曰未若三千年精矣琪嘗嘲元曰張亢觸墻
成八字亢應聲曰王琪望月叫三聲元滑稽有
門客作坤
厚載物賦云粵有大德其名曰坤元
曰非講經之座主卽傳法之沙門

彭乘為翰林學士文章詰命每出人咸指笑之有
邈帥乞朝覲仁宗許其候秋涼卽途彭為批之
於詔曰當俟蕭蕭之候爰興靡靡之行王琪性

滑稽多侮諷及乘死琪為挽詞云最是蕭郎句
無人繼後塵

金陵賞心亭丁晉公建也公以家藏袁安卧雪圖
張於其屏乃唐周昉筆經十四字無敢覬覦者
後為太守竊去以凡筆畫蘆鴈易之工密學琪
來作守登臨賦詩曰千里秦淮在玉壺江山清
麗壯吳都昔人已化遼天鶴舊畫難尋卧雪圖
冉冉流年去京國蕭蕭華髮老江湖殘蟬不會

登臨意又噪西風入座隅。

元絳

字厚之知福州日有吏白事公問如何

行遣吏對合依元降指揮公曰元絳未嘗指揮吏

悚而退

神宗友愛嘉岐二王不許出閣固辭者數十其後改封先召翰林學士元厚之謂曰卿可于麻辭中道殺勿令更辭也畧云列第環宮彌聳開元之盛側門通禁共承長樂之顏

元厚之在翰林日高麗使乞新著王平甫以詩戲

之曰誰使詩仙來鳳沼。欲傳賈客至雞林。
元厚之知荆南嘗夢至仙府與三人者聯書名傍
有告之曰君三人蓋兄弟也覺而思之莫知所
謂未幾召入為學士時韓持國維揚元素繪先
已在院一日因書奏列名三人名皆從絞絲始
悟夢中兄弟之意已而持國元素皆外補厚之
尹京後三年復與元素還職而鄧文約相繼為
直院三人名又皆從絞絲許大夫選嘗作四

翰林詩記其事厚之和云聯名適似三株樹傳
玩驚看五朵雲此亦一時之異也

元豐間嘗久旱不雨裕陵禁中齋禱甚力一日夢
有僧乘馬馳空中口吐雲霧既覺而雨大作翌
日遣中貴人道夢中所見物色於相國寺三門
五百羅漢中第十三尊畧彷彿卽迎入內視之
正所夢也王丞相禹玉作喜雨詩云良弼為辜
霖雨望神僧作霖應精求元厚之詩云仙驥蕭

雲穿伏下佛花吹雨匝天流。蓋記此。

元豐既行官制。進扈故事。定宰相上事儀。以御史中丞押百官班。拜於階下。宰相荅拜於阼階上。時王禹玉除左僕射。蔡持正右僕射。神宗命卽尚書省行之。二人力辭。帝不可。曰：「此國體。非為卿設也。」二人乃受命。時元厚之已致仕居吳。以詩賀禹玉有前殿聽宣中禁制。南宮看集外朝班。星辰影落三階下。桃李陰成四海間。之句。

時最為盛事

王觀

字通叟有冠柳集序者稱其高於柳詞故曰冠柳

王觀恃才放誕陸子履慎默于事無所可否二人
極相善觀寢疾子履往候之觀以方帽包裹坐
複帳中子履笑曰體中小不佳何至是所謂王
三惜命也觀厲聲曰王三惜命何如陸四括囊
聞者大笑

王觀有雨中花令呈元厚之云百尺清泉聲陸續

映瀟洒碧梧翠竹面千步回廊重重簾幕小秋
軟寒玉試展蛟綃看畫軸見一派瀟湘凝綠
待玉漏穿花銀河垂地月上闌干曲

王觀又有踏青詞曰調雨為酥催冰做水東君分
付春還何人便將輕暖點破殘寒結伴踏青去
好平頭鞋子小雙鸞烟郊外望中秀色如有無
間晴則箇陰則箇餌釘得天氣有許多般須
教鏤花撥柳爭要先看。不道吳綾綉襖香泥斜

心幾行班東風巧。盡收翠綠吹在眉山。

王觀嘗作莫惱翁曲云。穀垂乾穗。豆垂角。雨足年
登。不勝樂。烏巾紫領。銀鬚長。白酒滿盃。翁自酌。
翁醉不知秋色涼。兒將翁鬚。搯撼床。莫惱翁。翁
年已高。百事慵。

蔡挺

字子正。抗弟。
也。謚敏肅。

熙寧間有司言。四月一日當蝕。上為微樂。避正殿。
一夕微雨。不見日食。是日有皇子之慶。蔡子正

獻詩云。昨夜薰風入舜韶。君王方避正衙朝。陽
暉已得前星助。陰沍潛隨夜雨銷。其叙四月二
日避正殿皇子慶誕。陰雲不見日食殆盡。當時
無能過云。

元豐間。蔡挺自西掖出鎮平陽。經數歲。意欲歸作
喜遷駕一闋云。霜天秋曉。正紫塞故壘。黃雲衰
草。漢馬嘶風。邊鴻叫月。隴上鐵衣寒早。劔歌騎
曲。悲壯盡道。君恩須報。塞垣樂。盡秦鞬錦領。山

西年少談笑。刀斗靜烽火。一把時報平安耗。
聖主憂邊威懷遠。驕虜尚寬天討。歲華向晚
愁思誰念。玉關人老。太平也。且歡娛。莫惜金尊
頻倒。時有中使至。平陽挺使倡優歌之。遂達于
禁掖。上因語呂丞相曰。蔡挺欲歸。遂以西掖召
還。

蔡確

字持正。曄絳。宣撫陝西。見確所製樂語。以為材薦於開封尹韓維。維又薦之安石。胡宗愈夫人丁氏嘗於窓隙遙見確。謂其神彩與盧多遜像相似。其後蔡果南竄。

宣仁垂簾日蔡確拜左僕射其弟碩賊敗確謫守
安州夏日登車蓋亭作十絕句云公事無多客
亦稀朱衣小吏不須隨溪潭直上虛亭裏卧展
柴桑處士詩一川佳景踈簾外四面涼風曲
檻頭綠野平流來遠棹青天白雨起靈秋靜
中自足勝炎蒸入眼兼無俗物憎何處機心驚
白鳥誰人怒劍逐青蠅紙屏石枕竹方床手
倦拋書午夢長睡起莞然成獨笑數聲漁笛在

滄浪

西山髣髴見松筠日日來看色轉新

說桃花巖石畔讀書曾有謫仙人

風搖熟果

時聞落雨滴餘花亦自香葉底出巢黃口鬧波

間逐隊小魚忙

來結芳廬向翠微自持盃酒

對青暉水超夢澤悠悠過雲抱西山冉冉飛

矯矯名臣郝甌山忠言直節上元間古人不見

清風在歎息思公俯碧灣

溪中曾有戈船士

溪上今無佩犢人病守翛然唯坐嘯白鷗紅鶴

伴閑身 喧豗六月浩無津行見沙洲東西濱
如帶溪流何足道沉沉滄海會揚塵時吳處厚
知漢陽軍箋注以聞其畧云五篇涉譏諷何處
機心驚白鳥誰人怒劔逐青繩以譏讒譖之人
葉底出巢黃口開波間逐隊小魚忙譏新進用
事別無諂訕君上睡起莞然成獨笑方今朝廷
清明不知確獨笑何事矯矯名臣郝甌山忠言
直節上元間按郝處俊封甌山公唐高宗欲遜

位天后處俊上疏諫此事正在上元三年今皇
太后垂簾遵用章獻明肅故事確指武后以比
太母沉沉滄海會揚塵謂人壽幾何尤非佳語
宣仁盛怒令確分析終不自明遂貶新州

蔡持正謫新州侍兒琵琶偕行常養一鸚鵡甚慧
丞相呼琵琶卽扣一響板鸚鵡傳呼之琵琶逝
後誤扣響板鸚鵡猶傳呼不已丞相大慟因作
詩曰鸚鵡言猶在琵琶事已非傷心瘴江水同

渡不同歸悵悵不樂不久遂終

章惇

字子厚進士登名耻出廷衛下委款而去再舉甲科紹聖間拜相安惇為從官

因嫌名見詩但稱亨而已

章子厚與蘇子瞻小時相善子瞻為鳳翔判官時子厚任商令劉原父皆以國士遇之二人相得歡甚同遊南山諸寺抵仙遊潭下臨絕壁萬仞橫一木為橋子厚推蘇過潭書壁蘇不敢子厚平步以過用索繫樹囑之上下神色不動以漆

墨濡壁大書壁上曰章惇蘇軾來遊子瞻拊其背曰子厚必能殺人

東坡在黃卽坡之下種稻為田五十畝自牧一牛一日牛忽病幾死王夫人謂坡曰此牛發豆斑瘰法當以青蒿作粥啖之如言而效嘗舉似章子厚子厚曰我更欲留君與語恐人又謂從牛醫兒來姑且去遂大笑別

章子厚生時父母欲不舉已納之盆水燭滅之而

明者三有大呼於梁者曰此相公也父母懼而止東坡嘗與之詩云方丈仙人出渺茫高情猶愛水雲鄉子厚深銜之

章子厚與劉子宣有場屋之舊子厚居京口子宣守姑蘇以新醞洞庭春寄之子厚荅詩曰洞霄宮裏一閑人東府西樞老舊臣多謝姑蘇賢太守慙慙分送洞庭春其後隔十年子厚拜相亦不通問寄書訝其相忘子宣以詩謝曰故人天

上有書來責我疎，愚喚不回兩處共瞻千里月。
十年不寄一枝梅，塵泥自與雲霄隔。駑馬難追
德驥才，莫謂無心向門下也。曾朝夕望三台子。
厚得詩大喜，卽召為宰屬，尋屢遷。

元祐初，章子厚簾前爭事，無禮責知汝州錢穆父。
行詞云：「快快非少主之臣，悻悻無大臣之節。」子
厚後見穆父責其語太甚，穆父笑曰：「官人怒，雜
戢安敢輕行杖。」

蘇子瞻謫儋州以儋與瞻字相近也子由謫雷州
以雷字下有田字也黃魯直謫宜州以宜字類
直字也此章子厚駭謔之意當時有術士曰儋
字從立人子瞻其尚能北歸乎雷字雨在田上
承天之澤也子由其未艾乎宜字乃直字有蓋
棺之義魯直其不返乎後子瞻北歸至毘陵而
卒子由退老于潁十餘年乃終魯直竟卒於宜
章子厚謫雷州過小貴州南山寺有僧奉忠迎謁

子厚見之已而倚檻看雲曰夏雲多奇峰真善
比類忠曰曾記夏雲詩甚奇曰如風如火復如
綿飛過微陰落檻前大地生靈乾欲死不成霖
雨謾遮天章默然

舒亶

字信通號亦樂居士與
李定同陷東坡于罪者

熙寧中舒亶為臨海縣尉民有醉酒逐其叔母者
亶執之而斷其首投笏去題壁上云一鋒不斷
兇渠首千古誰知將相材時荆公當國奇之為

改調官至御史裏行

舒亶嘗夢入空中見瀟閣金碧輝煌有瓊裾琅珮
者數百人揖亶請詩且曰此間文章要似鸞鳳
隱起與織女分巧亶吟曰天風吹散赤城霞染
出連雲萬樹花誤入醉鄉迷去路傷人應笑却
還家一人曰未免近凡

舒信道有詠苔卜筮子詞曰池臺小雨乾門巷香
輪少誰把青錢觀落紅滿地無人掃何時聞

草歸幾度尋花了。留得佳人蓮步痕。宮樣鞋兒

小。